

A Consellería de Medio Ambiente, Territorio e Infraestruturas, en colaboración co Concello de Verín, pon en marcha unha nova liña do NoiteBús entre as localidades de Feces de Abaixo e Verín. Esta ruta efectuará paradas nas localidades de Feces de Abaixo, Tamaguelos, Tamagos, Queizás e Verín, e os horarios de saída son ás 22 e 24 horas (desde Feces de Abaixo) e os de retorno ás 23 e 6.30 horas (desde Verín).

Este servizo realizarase durante os fins de semana e festivos, co obxectivo de ofrecer unha alternativa de transporte a lugares en datas e horarios vinculados ao tempo de lecer, e así reducir a sinistralidade nas estradas. Coa finalidade de fomentar o seu uso, o prezo dos billetes é de dous euros, ida e volta, que dará dereito á utilización sen límite de veces do servizo ao longo da mesma xornada.

Outras das rutas existentes na comarca de Verín son:

* **Verín - Xinzo de Limia - Allariz.** Os horarios de saída son ás 24 horas e 3 da madrugada (desde Verín), e os de regreso ás 1 e 4 da madrugada (desde Allariz). As paradas que se efectúan son Verín, Pazos, Vilaza, Albarellos, Guimarei, Rebordondo, As Estivadas, Viladerrei, Trasmiras, Abavides, Porto Alto, Xinzo de Limia, Sandiás, Novaíño, Piñeira de Arcos e Allariz.

* **Oímbra – Verín.** Os horarios de saída son ás 22.30 e 24 horas (desde Videferre), e os de volta ás 23.30 e 06.30 horas (desde Verín). As paradas que se realizan son Videferre, Espiño, Bousés, Casa dos Montes, A Granxa, As Chas, Oímbra e Verín.

* **A Gudiña – Riós – Verín.** Os horarios de saída son ás 22 e 24 horas (desde A Gudiña), e os de retorno ás 23 e 6.30 horas (desde Verín). As paradas que se efectúan son A Gudiña, Erosa, San Lorenzo, Navallo, Riós, Vendas da Barreira, San Cristovo, A Trepá, Fumaces e Verín.

* **Vilardevós – Verín.** O horario de saída é ás 23 horas, desde Terroso, e o de regreso ás 6 da madrugada, desde Verín. As paradas que se realizan son Terroso, Vilarello, Arzádegos, Enxames, Vilardevós e Verín.

En Verín, tanto a saída como o retorno do NoiteBús, efectúase na Estación de Autobuses.